

Le dotur Eduard Agreiter é demez en lönesc, ai 24 d'aurí. Al vëgn sostituf dala doturia Febbraro, Al Plan, 377 32 88 595 (che á sorvisc ince en dedolönesc).

## PLOANIES SAN MARTIN Y LUNGIARÜ

Invit a düc i geniturs che á na picia möta, o n pice möt da batié, përs che aspeta, toc y totes ala preparaziun dl bato, en sabeda, ai 6 de má, dales 15.00 ales 17.00, a Al Plan tl salf de colonia. Por le pice renfrësch dedò arjigné dala Uniun dles Ères n bel dilan. Prenotaziuns 328 07 17 796

L'E.p.L. (Seziun Cors de Dlijia) mët a ji n dé de formaziun por cianturs/ries y chi/chères che se dá jö y chir fora cianties dal liber nü "Laldun le Signur", en sabeda, ai 29 de ma, dales 9.00 ales 15.00, tl salf dla scora a Lungiarü (cun val palsa y dales 12.00 marëna deboriada) Les spëises dl dé de formaziun y ince dla marëna, vëgn sostegnides dal E.p.L. Anunziésse cina ai 25 d'aurí pro elio@salieta.it cun inom dl/a partezipant/a y numer de fonin. Tolésse do i libri "Saltier" y "Laldun le Signur".

Le KVV y la Ploania da La Val mët a jí en jöbia, ai 11 de ma, n peregrinaje a Madonna della Corona. La coriera pëia ia dales 6.30 dala plaza de dljia demez y passa a Piculin ca. dales 6.45. L'iade cun marëna costa 65 euro (por chi che á la cherta dl KVV 60 euro). Informaziuns y prenotaziuns cina ai 25 d'aurí pro Marlene Ferdigg 333 88 79 238. Dötes y düc, ince di atri paisc, é bel inviá/des!

Invit al iade a Roma dai 2 ai 5 d'otober cun le vësko Ivo Muser por i 20 agn de canonisaziun de sant Ojöp da Oies. Informaziuns plü avisa sot a [www.bz-bx.net/de/pilgerbuero/news.html](http://www.bz-bx.net/de/pilgerbuero/news.html). Prenotaziuns pro le Pilgerbüro dla Diozeja 0471 306 200 o [info@bz-bx.net](mailto:info@bz-bx.net)

La festa di patrons dla Diozeja vëgn tignida da sëgn inant ai 13 d'agost. Mo la prozesciun de San Ciascian y San Vigile vëgn impó tignida inant a Porsenú la terza domënia de Pasca.

Festa dl Partí la Bibia: ai 19 de ma, dales 16.00, tla Ciasa dla Familia (Lichtenstern, Ritten). Prenotaziuns cina ai 12 de ma: [seelsorge.pastorale\(at\)bz-bx.net](mailto:seelsorge.pastorale(at)bz-bx.net)

### SAN MARTIN

Dilan dl'oferta dl Vëndres Sanc de 1.455,30 euro.

### LUNGIARÜ

Dilan dl'oferta de Carséma che é stada de 2.434,05 € por daidé la püra jënt.

I orun ince dër bel rengrazié Pio Pescoller che fistidiëia ann por ann da condüje adalersch le bel orí portan pro a n bel ingres da festa la Domënia dal Orí

La Uniun dles Ères da Lungiarü mët a jí n curs da cujý por principianc/antes cun Loise Verginer. Le curs vëgn tigní tl salf dla colonia da Lungiarü ia por le mëis de ma por 5 iadi dagnora de mertesc, ai 2, ai 9, ai 16, ai 23 y ai 30 de ma, dales 19.30 ales 21.00. Le curs vëgn finanzié dal Consëi de Formaziun. Prenotésse cina en domënia ai 23 d'aurí pro Chantal 348 17 33 391.



[unitepastorala.org](http://unitepastorala.org)

# Plata dles Ploanies San Martin y Lungiarü



ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
curat siur Heinrich Perathoner 339 65 74 213  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

## 23.04. - 30.04.23 n. 22

ultimo termo por comunicaziuns: jöbia, dales 20.00

## 3ª DOMÈNIA DE PASCA

### Vangele do Lüca 24, 13-35

.... Gejú i à damanè: *Ćî èis pa tan da baié, tratan ch'i jëis por osc tru? Dailò ési sta chié döt desconsolà, y un de d'ëi – al â inom Cleofas – ti à respognü: Este tan forest a Ierusalem, che t'es le su da ne savëi nia, ċi ch'al é sozedü en chisc dis? Al i à damanè: Ćî pa? Ai ti à respognü: Ći ch'al n'é stè cun Gejú da Nàzaret: Al ê n profet, potënt tles parores y tles opres dan da Idý y dan da döt le popul. Mo nüsc gragn proi y i surastanc l'à condanè a mort y l'à fat mazè söla cruc. Nos indere ân speré, ch'al foss ël che salvass Ísrael. Y laprò él incö bele le terzo dé da canche döt cant chësc é sozedü. Mo nia ma chësc: Ince valgönes ères de nosc cërtil nes à sprigoré cotan. Ares é stades da doman fora dal sepolcher, mo n'à nia ciafè so corp. Canch'ares é gnüdes derevers ares cuntè, ch'al ti é aparí agnui che ti ess dit ch'al vir. ...*



*I discepui baia de sües esperiënzes y de ci ch'ai á aldí;  
ara nen vá de süa vita y de süa esistënza: Co dessera pa jí inant?*

*I me damani, me lasci iö ciamó ite te de te' baiá, y scemai, cun chë pa?  
Baié dla Dlijia, co ch'ara n'é nia y co ch'ara dess ester, é òna na cossa.  
Mo baié dla fede, de mies cherdënzes y de mi dejiers, é n'atra cossa.*

*Magari podessi fá conferta cun porsones desponibles che sá da me dí val',  
da me fá domandes, da me comedé, da m'acompagné?  
I discepui â conesciü Gejú dal rumpí le pan.*

*Sunsi arjigné y davert assá, pro le rumpí le pan tla zelebraziun dl'eucaristia,  
da conësce Gejú, da le tó sö te mia vita cun dötes les conseguënzes?*

*A chëstes domandes ói ti jí do.*

*Te Deum*

EDEMA - ANN "A"	SAN MARTIN	LUNGIARÜ
<b>23.04.23</b> <b>3ª DOMÈNIA DE PASCA</b> <b>Prozesciun a Porsenú de San Ciascian y San Vigile</b>	<b>9.00 Corona</b> <b>9.30 Gran Mëssa dla Comunité</b> dl ann + Pire Erlacher a d'intenziun <i>al cianta le cor "Mosaic"</i>	<b>7.50 Corona</b> <b>8.15 Gran Mëssa dla Comunité</b>
<b>24.04.23</b> <b>Lönesc</b> <i>Fidelis, Ivo, Teo</i>		
<b>25.04.23</b> <b>Dedolönesc</b> <i>Merch vangelist, Franca</i>	<b>19.00 Mëssa</b> + Ida Dariz	
<b>26.04.23</b> <b>Dedemesaledema</b> <i>Maria dl Bun Consëi, Cleto</i>		<b>7.30 Mëssa</b> + Davide Daporta + + Agostin y Maria Daporta + Sepl Clara, Sanví
<b>27.04.23</b> <b>Jöbia</b> <i>Pire Canisius, Zita</i>		
<b>28.04.23</b> <b>Vëndres</b> <i>Pire Chanel, Valeria</i>	<b>18.30 Adoraziun chîta</b> <b>19.00 Adoraziun deboriada</b>	
<b>29.04.23</b> <b>Sabeda</b> <i>Catarina da Siena, Roswita</i>		<b>18.30 Mëssa prefestia</b> por familia Maria, Sanví + Ida Nagler, Mair + Carlo Planatscher
<b>30.04.23</b> <b>4ª DOMÈNIA DE PASCA</b> <b>De mondial de oraziun por vocaziuns</b> <b>14.00: Prozesciun por vocaziuns da San Linert sö Oies</b>	<b>8.45 Prozesciun de San Florian a Picolin</b> <b>9.30 Gran Mëssa dla Comunité en onur de San Florian cun y por i Stödafüch</b> + Erwin Rungger (dl ann) + + Sepl y Regina Clement (dl ann) + Pasquale Schuen	<b>7.50 Corona</b> <b>8.15 Gran Mëssa dla Comunité en onur de San Florian cun y por i Stödafüch Benedisciun di auti y dles mascins</b> <b>13.00 Bato de</b> - <b>Damian Clara</b> de Arthur y Verena - <b>Emmy Clara</b> de Hubert y Ester



Signur, ví ince cun nos  
 sciöche cun tü discepui.  
 Splíghesse ince a nos  
 le significat de to tru,  
 por ch'i odunse ite  
 le significat ince de nosc tru.

Romagn pro nos,  
 canch'al vëgn da sëra  
 y le dé de nosta vita se röia.  
 Romagn pro nos!  
 Sideste nosc ghest  
 y devënta nosc ostí.  
 Rúmpesse le pan,  
 le pan de tüa parora,  
 le pan de to corp y sanch.

Fá ch'i te conesciunse dal rumpí le pan,  
 deache nüsc edli é gonot verc.  
 Fá verde nosc cör  
 ch'i testimoniunse un al ater:  
 Le Signur é ressorí  
 y demeztrú pro nos.  
 Al nes mostra le tru dla vita  
 y nes condüj t'l'abitaziun dl lominus.

Rudolf Schnettler